

14

Pelletier 1610

36

DISCOVERS LAMENTABLE,

*Sur l'attentat & parricide commis en
la personne de tres-heureuse memoire
Henry 1111. Roy de France
& de Navarre.*

H
D

Souste la Couppie Imprimee,

WOP
A PARIS,

15 HP
Par FRANÇOIS HUBY.

M. DCX.

THE HISTORY OF THE

AMERICAN PEOPLE

FROM THE FIRST SETTLEMENTS TO THE PRESENT

BY JAMES O. BAKER

IN TWO VOLUMES

VOLUME I

FROM THE FIRST SETTLEMENTS TO THE PRESENT

BY JAMES O. BAKER

IN TWO VOLUMES

VOLUME I


FROM THE FIRST SETTLEMENTS TO THE PRESENT

BY JAMES O. BAKER



DISCOVERS

LAMENTABLE.

 E n'est pas le propre des grandes douleurs de parler beaucoup. Les larmes & les souspirs sont volontiers les seules parolles que nous prononçons au plus cuisant d'une violente affliction. C'est ce qui me fait tracer icy en peu de langage ce que le deuil & la calamité publique me souffrēt de repesenter aujourdhuy à la France. Sçache dōc & en pleure à iamais la posterité que Vēdredy dernier 14. May, qui fut le lendemain du Sacre & Couronnement de la Royne, nostre grand Héry de tres-heureuse memoire, Roy de France & de Nauarre estoit à Paris, où desirant sur les trois heures

apres midy de s'aller promener dans
 son Arcenal, se mist en carrosse & cō-
 me Prince qui viuoit sans crainte ny
 soupçon au milieu de ses peuples, s'en
 alla par la ville accompagné de quel-
 que Noblesse de sa Cour, sans vouloir
 prendre pour plus grande asseurance
 aucun Archer ny exempt de gardes de
 son corps: Mais le malheur ou plustost
 nos pechez porterent qu'un maudit
 & execrable Assassin nommé François
 Rauaillart natif d'Angoulesme, ap-
 procha de sa personne non guere
 loing de S. Innocent, où voyant le
 carrosse arresté pour l'embaras d'une
 charrette qui luy venoit au rencontre,
 il s'eslança un long couteau à la main
 sur ce bon Roy, lequel il blessa de deux
 coups au costé gauche. Le premier fut
 donné vers l'espaule, & ne penetra
 point auant, ains trencha seulement la
 peau. Le second fut mortel, & fut don-
 né dans la veine interieure vers l'oreil-

le du cœur, entre la cinquiesme & sixiesme costé de haut en bas, & pene- tra iusqu'à la veine caue qui s'est trou- uee entamee, & là finit la poincte du couteau. De sorte que ce Prince se sen- tant blessé à mort, & perdant tout à coup la parolle pour la grande abon- dâce du sang quiluy sortoit de la bou- che, on reprint soudain le chemin du Louure, ou il ne fut pas si tost arriué qu'il rendit l'ame à Dieu, tesmoignant des yeux & des mains qu'il esleuoit en haut, qu'il mourroit vray Chrestien & bon Catholique. Ce fut Monsieur l'Archeuesque d'Ambrun qui le seruit & exhorta en ceste derniere action.

N'est ce pas maintenant vn songe de voir que la France soit vne seconde Affrique qui engendre de tels mon- stres? Quelle hôte fait ce siecle à celuy de nos ayeuls? Quel desastre qu'il faille qu'un Roy de France n'ait peu eüiter la rage & fureur du bras parricide d'un

sien propre subiect? Malheureux! tu
 nous as rauy ce grand Prince, que nous
 pleurons à chaudes larmes, & la perte
 duquel nous est vrayement sensible.
 Tu pensois bien neantmoins en ton
 damnable dessein de nous abysser
 tous en vn gouffre de misere & de deso-
 lation: Mais Dieu par sa bonté a veillé
 pour nous, & a disposé les cœurs & les
 affections des François tout autrement
 que tu ne t'imaginois en la phrenesie
 du conseil infernal que Sathan t'auoit
 suggeré. L'obscure prison où tu es iu-
 stemēt renfermé, & où l'on t'appreste
 & inuēte de nouueaux supplices pour
 chastier ton forfait, ne t'a peu faire voir
 comme apres tō maudit coup, toutes
 choses sont demeurees fermes & con-
 stantes en la mesme tranquillité qu'elles
 estoient auparauant. C'est à Dieu seul
 que nous en deuons la grace & le re-
 mercement, sans en dénier pourtant
 la gloire aux instruments dont il a dai-

gné se seruir. Car Messieurs les Officiers de la Couronne, ce celebre Parlement, & les autres Magistrats de ceste ville de Paris ont tous vnanimement & d'un commun accord secouru & asseuré l'estat, sans qu'il y ait eu la moindre apparence d'esmotion & de desobeissance parmy tout ce grád peuple. Douceur & modestie qui rend les Parisiés louiâbles, & qui sert auiourd'huy d'exemple à toutes les Prouinces du Royaume.

Tu n'as di-je peu voir comme dans la mesme heure de ton horrible attentat, toute la Noblesse accouroit au Louure, s'y venant offrir & protester de sa fidelité. Tu ne vois non plus qu'apres nous auoir osté le pere, le fils nous est demeuré pour remplir sa place. Jeune est-il, mais fortifié des sages aduis de ceste grande Princesse la Royne sa mere, laquelle dans les espraintes de son affliction, a voulu encores penser

au bien du public, & daigner pour no-
 stre consolation accepter la regence
 & gouuernement du Royaume aux
 yeux des Princes, des Pairs, du Con-
 nestable, du Chancelier, des Cardi-
 naux, des Mareschaux de Frâce, & au-
 tres Grands de l'Estat, tous assemblez
 en corps dans la grande chãbre du Pa-
 lais, où authorisez de Messieurs de la
 Cour de Parlemēt, ce lēgitime succef-
 seur seant en son Trosne, fut solēnel-
 lement recogneu & proclamé Roy de
 France, le 15. May. Bref ce ieune Prince
 est si dignement nourry en l'amour &
 crainte de Dieu, avec toutes les autres
 vertus qui seruent d'ornement à vn
 grand Roy, que marchant sur les pas
 du feu Roy son Pere, il cherira la reli-
 gion, il aymera la iustice, il sera gene-
 reux, clement, affable, gracieux, &
 comme vn beau Soleil qui luira sur la
 France, toutes choses fleuriront soubs
 son Sceptre, ses peuples le beniront, &
 auront

auront eternellement les yeux dressez
au Ciel pour prier Dieu qu'il leur con-
ferue.

Ainsi voyons nous maintenant ce
Prince heureusement estably & avec
l'amour des siens, si bié soustenu d'ar-
mes, de force & de Conseil, qu'en
vain ozeroit-on le heurter, sans en
recevoir le chastiment. Or puis que
l'entree de son regne est benie & se-
condee des faueurs du Ciel n'irritons
point l'ire de Dieu par nos mauuais
deportemens. Faisons qu'entre tous
les François il n'y ait que ce seul Assa-
sin detesté, & en horreur parmy les
nations estrangeres. Souuenons nous
qu'il n'y a rien qui esleue les tempe-
stes & orages sur la mer que les vents
contraires, qu'aussi dans les Estats il
n'y a rien qui en trouble le repos que
la desvnion. Si ce n'est nostre iuge-
ment ou capacité qui nous instruisse,
que la seule escole de la nature le face:

Considerons qu'en vn corps humain il y a vn chef, & sous ce chef des parties nobles, & que le membre qui est destiné à vn seruice, n'entreprend sur celuy qui exerce vne autre fonction. En fin les iambes ne veulēt estre ce que sont les bras, ny les poulmons ce qu'est le cœur. De mesme en vn estat bien ordonné, l'vn y est reconnu pour chef qui anime tous les autres membres, & lesquels n'agissent ny n'ont mouuement que sous son autorité. Si bien que chacun s'aquitant de son deuoir par vne bonne vnion & intelligence, les Royaumes se conseruent, & de petits se font grands: comme au contraire par la desvnion & peu de correspondance de grands & fleurissans ils seruinent & se mettent en pouldre.

Souuenez vous François, qu'il y a plus de douze cens ans que la Royauté de France est reuersee pour vne des

plus grandes monarchies du monde. Gardez que la posterité ne nous face iamais ce reproche, que la ruine en aduienne de nostre siecle, & que nous ayons demoly par nostre rage ce que nos deuanciers nous ont acquis par leur prudence & valeur. Et si l'intrest du public ne nous touche, qu'au moins chacun de nous en particulier apprehende le sien. Nous sômes tous embarquez dans vn mesme vaisseau. S'il se debrise, se fera miracle si quelqu'un en eschappe. Nous sômes tous dans vne mesme maison, si elle tombe nous nous trouuerons tous accablez sous ses ruynes : N'oublions point que nous sômes encôres tous mouillez du naufrage, & que nous sommes depuis peu d'annees sortis des guerres ciuiles dont la desolation ne va iamais seule, ains est tousiours accompagnée de peste, de famine, & de toutes autres sortes de calamitez, côme est la perte

de nos biens & fortunes, la prison de nos corps, les rançons, le sac & embrasement de nos villes, le ravisement del'honneur & pudicité de nos filles, & les morts sanglantes de nos enfans. Scachons que l'experience est la maistresse des fols. N'attendons point à nous repentir du mal, apres en auoir senty les angoisses par nostre imprudence. Nous sommes auourd'huy en paix, conseruons nous y avec l'ayde de Dieu: Ne ressemblons point aux forciers & magiciens, qui font plouuoir & tonner par leurs charmes contre l'ordre de nature. Les malheurs & infortunes n'arriuent que trop tost, sans que nous les prouoquions & allions comme à leur rencontre.

Vous Grands qui auez les charges & gouv ernemens du Royaume, n'ayez, au nom de Dieu, autre object deuant les yeux que le biẽ du seruice du Roy.

Fuyez sur tout la des-vnion qui mau-
 uaise conseillere en cuidant ruiner au-
 truy se desole soy mesme. Croyez que
 la grandeur de l'estat est la vostre, son
 repos vostre tranquillité, & son esta-
 blissement la basse & le soustien de
 vos maisons. N'estudiez qu'à qui vin-
 dra son compagnon, à mieux & plus
 fidellement seruir la patrie. Ce n'est
 que le propre des armes foibles de s'a-
 charner à l'enuie, à la rancune, & à la
 diffimulation. Portez tous le cœur sur
 le front. Aymez vous tous pour estre
 à vn mesme Maistre, ce sera vostre
 bien, car ne doutez point qu'en ma-
 riere d'estat il n'y ait tousiours plus de
 bōs que de mauuais, & iamais n'a t'on
 veu mutin ny factieux qui n'ayt en fin
 ployé soubz l'autorité de son Souue-
 rain. Vous auez aujourd'huy vn Roy
 redoutable, & pour la garde duquel
 l'œil de la prouidence diuine veillera
 tellement qu'encores qu'il soit en bas

aage, il ne se fera pas moins craindre & obeyr par tout son Royaume. Les Edicts du feu Roy son predecesseur seront obseruez comme les siens propres. Vous l'aurez pour pere commun de ses peuples. On dict qu'Alexandre ne faisoit distinction du Grec au Barbare que par la seule vertu, sans s'arrester à la difference de l'habit. Aussi le Roy iugera des bons ou des mauuais François à la seule marque de l'obeyssance & fidelité. Chacun aura part à ses bonnes graces selon qu'ils s'en rendra digne par son seruice.

De sorte que toutes choses estant ainsi fermement establies au dedans du Royaume, nous n'aurons rien à craindre pour le dehors. Le Roy est en paix avec les Princes ses voisins, & m'assure qu'il n'y a nul d'eux qui ne soit si bon & genereux qu'il ne deplore le sinistre accident arriué au feu

Roy, & que quand bien auant la mort de ce Prince, il auroit eu moyen ou desleing de nuire à la France: il ne conuertisse maintenāt sa hayne en amour touché de la seule commiseration d'un tel defastre. Et si nous pouuons esperer cest attendrissement de cœur des Princes estrangers, que deurions nous attendre de ceux que la nature a faict n'aistre François? Dieu par sa misericorde inspire dont tant de graces à la France, que ne defaillant de conseil, de vray & legitime commandement, nous soyons aussi portez à l'obeyssance & submission que tous bons & loyaux subjects doiuent à leur Roy.

PELLETIER.

